

UCAPAN PERDANA MENTERI DI UPACARA MENYAMPAIKAN DIPLOMA KEPADA PEGAWAI-PEGAWAI TURUS DI MAKTAB TURUS TENTERA KEMENTERIAN PERTAHANAN, KUALA LUMPUR PADA 1HB DISEMBER, 1972

Saya sungguh sukacita kerana pagi ini dapat menyaksikan hasil usaha yang kita jalankan selama sebelas bulan semenjak saya merasmikan Maktab Turus Angkatan Tentera ini bulan Januari dulu. Saya turut merasa gembira dengan saudara-saudara sekalian terutama sekali angkatan pertama pegawai-pegawai tentera yang julung kali lulus dari Staff College kepunyaan kita dan diselenggarakan oleh orang-orang kita sendiri.

Sukalah saya mengambil peluang ini mengucapkan tahniah kepada saudara-saudara sekalian yang sekarang layak menyandang tugas pegawai turus atau staff officer, dan di samping itu juga kepada Brig. Jeneral Arul serta pegawai-pegawai Maktab ini atas kejayaan yang cemerlang ini.

Seperti yang saya katakan semasa membuka Maktab ini dulu, amatlah mustahak bagi kita sebagai bangsa yang merdeka dan berdaulat mempunyai pegawai-pegawai terlatih di peringkat menengah untuk menghadapi perkembangan-perkembangan sekeliling kita khasnya setakat yang menyentuh keperluan dalam negeri. Saya percaya saudara-saudara sendiri tentu merasa bangga dengan hakikat bahawa saudara-saudara adalah local products in the true sense of the word dan tidak kurang bahkan saya fikir lebih istimewa dari pegawai-pegawai latihan di luar negeri.

In this connection, I am reminded of the present Indian Chief of General Staff, General Maneckshaw, who happened to be the first viceroy-commissioned officer as distinct from king-commissioned officer to assume that high office in the Indian Military establishment. There was a lot of scepticism since his predecessors were from Sandhurst. Incidentally, we have the same equivalent in our own CAFS, General Tan Sri Ibrahim, who was also a graduate of Dehra Dun. That was the time when we had neither army nor training institutions of our own, and, for that matter, only Johore

had the foresight to send her officers overseas. Today, I am glad to say that except for a token number who are sent overseas, all Cadet Officers for the various branches of the service are trained at the Royal Military College.

In a given time, most of you here will be holding responsible top positions in our Armed Forces, side by side with those who have gained knowledge elsewhere in Britain, Indonesia or the United States.

Saudara-saudara,

Saya berharap, samada dalam menjalankan tugas di baris hadapan ataupun di Markas Briged atau Battalion, saudara-saudara akan menggunakan sebaik-baiknya segala pengetahuan yang diperolehi semasa di Maktab ini, baik dari segi keselamatan maupun keperluan awam. Tambahan pula, susunan pelajaran atau syllabi Maktab ini khusus dirancang bagi keadaan sekeliling atau local environment sendiri. Dengan itu saya percaya saudara-saudara menyedari betapa pentingnya mengadakan hubungan dan ko-ordinasi yang erat dengan pihak pentadbiran awam dan Polis terutama semasa kecemasan seperti bencana banjir dan sebagainya.

Saudara-saudara,

Seperti dikatakan oleh Tan Sri General Ibrahim tadi, buat masa akan datang, selain dari menambah pengambilan pegawai-pegawai tentera Maktab ini akan juga mengambil pegawai-pegawai Polis dan Perkhidmatan Awam untuk menjalani kursus di sini. Ini bukanlah perkara baru kerana di negara-negara lain juga pegawai-pegawai awam mengikuti kursus seperti di Lemhanas dan di Imperial Defence College, London.

Buat masa ini Maktab Turus belum boleh mengambil bilangan yang ramai. Tetapi manakala ianya pindah ke kawasan baru dekat Rawang kelak bukan saja dapat ditambah pengambilan bahkan boleh diperbesarkan fungsinya menurut garis Lemhanas atau IDC itu. Pada masa itu kelak bolehlah ditimbangkan samada kita akan membuka pintu Kolej ini kepada negara-negara lain dalam bidang kerjasama pertahanan. Hubungan dan kerjasama antara negara-negara sahabat khususnya negara tetangga sangatlah mustahak untuk kepentingan bersama.

Saudara-saudara,

Hari ini kita menghadapi tugas-tugas berat dari segi keselamatan. Meskipun keadaan pada amnya di kawasan sempadan Thailand dan Indonesia terkawal baik, namun ancaman komunis bersenjata akan terus wujud untuk beberapa lama. Kita akan menjalankan apa juga langkah yang perlu di segi politik dan military, secara physical dan psychological untuk mengembalikan keamanan dan ketenteraman yang berkekalan. Sebahagian besar dari tugas ini terletak di atas bahu saudara-saudara dan saya percaya tiap-tiap seorang di sini akan menjalankan tanggungjawabnya dengan penuh keyakinan, kejujuran dan dedikasi.

Akhirnya, saya suka mengucapkan selamat berjaya kepada saudara-saudara dalam menjalankan tugas masing-masing.